



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration

Broj: 01-05-621/19
Sarajevo, 03.12.2019. godine

- 4 - 12 - 2019

01 05 41335-132

SKUPŠTINA KANTONA SARAJEVO
n/r Elemedin Konaković, Predsjedavajući Skupštine
- o v d j e -

PREDMET: Odgovor na zastupničko pitanje, dostavlja se.-

V E Z A: Vaš akti broj: 01-05-41335-79/19 od 26.11.2019. godine

Na 15.Rednoj sjednici Skupštine Kantona Sarajevo, održanoj dana, 19.11.2019. godine, u okviru tačke dnevnog reda „Poslanička/zastupnička pitanja, inicijative i odgovori“, zastupnica Neira Dizdarević, postavila je slijedeće zastupničko pitanje:

„Podnosim inicijativu Vladi KS, resornim ministarstvima, Centru za uklanjanje mina BH MAC, KUCZ, FUCZ da me obavijeste o stanju na području Kantona Sarajevo vezano o opasnosti od mina i drugih eksplozivnih sredstava.

Svjedoci smo da Kanton Sarajevo bilježi ogroman porast broja turista koji ga posjećuju, time raste i broj turista koji posjećuju naše planine i druga prirodna područja, s toga molim da mi se dostave detaljne o gore pomenutom, uz mogućnost dostavljanja detaljne mape Kantona Sarajevo u vezi sumnjivih minskih područja.“

ODGOVOR:

Područje Kantona Sarajevo se i nakon 24 godine od završetka ratnih dejstava još suočava sa problemom visoke zagađenosti minskoeksplozivnim sredstvima (u daljnjem tekstu: MES) i neeksplozivnim ubojnim sredstvima (u daljnjem tekstu: NUS). I pored mnogo uložених napora na identifikaciji i čišćenju minski zagađenih područja, kao i na uklanjanju NUS-a i značajnog napretka u rješavanju minskog problema u prethodnom periodu, činjenica je da se zaostala minska polja iz



web: <https://kucz.ks.gov.ba>
e-mail: kucz@kucz.ks.gov.ba
Tel: + 387 (0) 33 257-330, 257-335
Fax: + 387 (0) 33 257-336
Sarajevo, Fehima efendije Čurčića 1

prethodnog rata i NUS-a i dalje mogu naći na skoro cijelom području Kantona Sarajevo gdje su bile linije razdvajanja, šumska i planinska prostranstva, livade, poljoprivredne površine, industrijski i turistički kapaciteti, te u neposrednoj blizini objekata za stanovanje. Posebno treba istaći, da je veoma komplikovano lociranje minskih polja, jer većina od njih nije uredno dokumentovana ili su zapisnici izgubljeni ili uopšte nisu ni pravljani. Specifičnost problema koja otežava njegovo rješavanje je i u tome da se u pravilu radi o minskim poljima nepoznatog rasporeda, sa pojedinačnim minama ili grupama mina na širem području.

S obzirom na navedeno, a imajući u vidu činjenicu, da je protekli rat vođen na samim rubovima naseljenih mjesta, a najčešće i u samim gradovima i selima, kao i da su gusta naseljena mjesta bila granatirana raznim artiljerijskim oruđima, te da je na tim mjestima prisutna određena količina artiljerijske municije koja nije eksplodirala i da se još uvijek uz glavne željezničke i drumske saobraćajnice prilikom izvođenja građevinskih radova pronalaze neeksplodirane avionske bombe velikog kalibra iz Drugog svjetskog rata, govori nam da postoji potencijalna opasnost od nastanka nesreća uslijed eksplozija zaostalih MES-a i NUS-a na području Kantona Sarajevo.

Navedena situacija predstavlja jako složen i dugoročan problem kako za Kanton Sarajevo, tako isto i za državu Bosnu i Hercegovinu, koji dodatno usložnjava veliki broj MES-a i NUS-a koji se nalazi kod naših građana.

Iako su u proteklom periodu (od 1996. do 2018. godine) obavljani značajni poslovi na deminiranju kontaminiranih površina i uklanjanju NUS-a, sve relevantne studije govore da na području Kantona Sarajevo ima još uvijek veliki broj zaostalih MES-a i NUS-a. Prema izvršenim procjenama i podacima Centra za uklanjanje mina u Bosni i Hercegovini (u daljem tekstu: BHMACH) veličina minski sumnjivih površina u januaru 2019. godine u Kantonu Sarajevo iznosi 68,86 km² (od toga 20,38 km² I kategorije prioriteta, 13,21 km² II kategorije prioriteta i 35,27 km² III kategorije prioriteta) ili 5,39% u odnosu na ukupnu površinu Kantona Sarajevo, dok veličina sumnjive opasne površine na kasetnu municiju u KS iznosi 0,37 km².

U vezi deminiranja posebno ističemo činjenicu, da dosadašnja iskustva sa terena pokazuju, da je proces deminiranja spor i jako skup posao, te da sve procjene ukazuju da će proces deminiranja na području Kantona Sarajevo, kao a i u drugim dijelovima Bosne i Hercegovine trajati dugi niz godina.

U prilogu Vam dostavljamo kartu minske situacije Kantona Sarajevo, dok detaljnije karte sa ažuriranim podacima možete dobiti od BHMACH-a, koji u saradnji sa lokalnim zajednicama (općinama) vodi projekte deminiranja na području Kantona Sarajevo.

Kada su u pitanju NUS-a, Kantonalna uprava civilne zaštite Kantona Sarajevo u skladu sa svojim nadležnostima, preko svog Kantonalnog operativnog centra civilne zaštite (koji radi neprekidno 24 sata svaki dan, što znači i u radne i u neradne dane – subota, nedjelja, državni i vjerski praznici), prima informacije o pronalasku NUS-a na području Kantona Sarajevo od građana, općinskih službi civilne zaštite, policijskih stanica sa područja Kantona Sarajevo, kao i drugih organa i pravnih lica. Navedene informacije Kantonalni operativni centar civilne zaštite, obrađuje i po propisanim procedurama prosljeđuje TUN – timu za uklanjanje i uništavanje NUS-a Federalne uprave civilne zaštite.



Podaci o broju informacija o pronalasku NUS-a, koje je primio Kantonalni operativni centar civilne zaštite u posljednjih pet godina (2014. – 2018. godina) na području Kantona Sarajeva, prikazani su u sljedećoj tabeli:

R.br.	Godina	Broj informacija o pronalasku NUS-a
1.	2014.	327
2.	2015.	282
3.	2016.	257
4.	2017.	239
5.	2018.	236
UKUPNO		1341

Sve primljene informacije o pronalasku NUS-a (ukupno 1341 informacije), Kantonalni operativni centar civilne zaštite je obradio i prosljedio TUN – timu za uklanjanje i uništavanje NUS-a Federalne uprave civilne zaštite. Na osnovu tih informacija, TUN – timu za uklanjanje i uništavanje NUS-a Federalne uprave civilne zaštite je na području Kantona Sarajevo u periodu od 2014. do 2018. godine uklonio 10618 komada NUS-a i 70950 komada municije do 20 mm.

S poštovanjem,

Prilog: Kao u tekstu.

Dostavljeno:


- Naslovu
- a/a



web: <https://kucz.ks.gov.ba>
e-mail: kucz@kucz.ks.gov.ba
Tel: + 387 (0) 33 257-330, 257-335
Fax: + 387 (0) 33 257-336
Sarajevo, Fehima efendije Čurčića 1

KARTELA NAŠE SITUACIJE
KANTON SARAJEVO

DATA: FEB 17, 2014



Proizvedeno na osnovu podataka iz javne baze podataka Republike BiH. Za detaljniju informaciju posjetite stranicu: www.gov.ba.
Kartografski podaci su izdati pod licencom Republike BiH. Sva prava su zadržana. Kartografski podaci su izdati pod licencom Republike BiH. Sva prava su zadržana.

Informacije o karti:
 - Naziv: Karta naše situacije
 - Datum: 17. Feb 2014
 - Autor: [Ime autora]
 - Izdavač: [Ime izdavača]



RAZMJERA 1 : 100,000

REPUBLIKA BOSNE I HERCEGOVINE